

Ambitus Lxxx millaria complectitur. Feracissimos habet agros frumenti, & olei, sed vitibus parum accommodos. In hac etiam argenti fodina & *Sardonius lapis* reperitur.

Nisica. *Naxos* $\alpha\delta\epsilon\zeta\theta$ insula maris *Ægæi*, una ex Cycladibus apud Melam & Ptolemæum, nunc *Nisica* Sophiano, & aliis. Hæc Lxxx mil. in ambitu patet. Inter frugiferas insulas hæc etiam numeratur. Vini admodum fecunda est, in eaque marmoris genus reperitur, quod *ὀφίτης* Græcis, *Ophites* Plinio, maculosum, serpentum maculis non absimile. Smirillus etiam lapis, Smiris Plinio, hic reperitur. Venam quoque auri hic esse, sed desidia & ignavia incolarum non inveniri, sunt qui credunt. Vespæ genus in ea, cujus punctio homini mortem adferre dicitur, vesperilionumque magna copia. *Ioanni Quirino* Nobili Veneto hæc quondam paruit. Postea sub quodam duce *Iacobo Crispo* fuit, quem *Solimus* Turcarum Imp. hinc expulit. Habitat itaque hodie à Turcis & Iudæis. Habet hæc insula fontem ex quo vinum suavissimum nonnunquam fluit, si fides habenda Ctesæ.

Santorini. *Santorini* vel *Santorino*, *Therassia* $\eta\epsilon\gamma\omicron\iota\alpha$, maris *Ægei* insula juxta Atticam, Straboni & Ptolemæo. Formam nunc lunæ corniculatæ habet, licet prius aliam haberet, antequam combureretur, & mari in duas partes scinderetur, inter

quas scopuli aliquot interjacent. Est etiam satis fertilis, & portibus commoda. Incolæ piscationibus fere victum quærunt. Hæc etiam subjugata à Turcis est.

Scarpanto, olim *Carpathus*, aut, ut Homero placet, *Crapathus* dicta. Carpathium hinc mare. Situs ejus inter Cretam & Rhodum, medio fere itinere. Ambitus ejus LX, aut, ut alii volunt, LXX mill. pass. ardua & montibus passim aspera, ac in ea marmoris lapicidina reperitur. Olim quatuor urbibus nobilis, & ob id *Tetrapolis* nuncupabatur, ut habet in Homerum Eustathius. Habet multos portus, sed non admodum capaces & malefidos. Incolæ Græce loquuntur & Græcorum religionem amplectuntur; Venetorum tamen Dominio subsunt. Archiepiscopatus in ea numerantur quatuor, inter quos primum agmen fert Archiepiscopus *Cretensis* nunc *Candianus*, cui subsunt Suffraganei, *Kirokeusis*, *Arcladiensis*, *Gerapreten-sis*, *Sicinen-sis*, nunc ut opinor *Sittia*. *Milopotanien-sis*, cui subsunt *Arien-sis*, *Calamonien-sis*, *Epicalamo-sis* forte, *Agien-sis*, *Rissanien-sis*. *Atriden-sis*, sub quo sunt *Cafen-sis*, *Scopulen-sis*, *Napronen-sis*, *Margaricen-sis*. *Soltanien-sis* hos habet Suffraganeos, *Helenen-sem*, *Sudens-sem*, *Monovasiens-sem*, *Taurisien-sem*, *Marrachitanien-sem*. *Vosprenien-sis*, huic sunt Suffraganei *Tephelien-sis*, *Matrehen-sis*, *Cirsonen-sis*.

